

deant Prælato bene, vel male facienti, vt potè ab ipso assumpti, contradicere, videtur, quòd Capitulum generale huic priuilegio renunciare non potuit, maxime quia istius priuilegij tam Religioni vtilis, & necessarij notitiam fortè non habebant, saltem totaliter, quæ iam enim est omninò necessaria, vt dixi num. præc. ed. siq; etiam in fauorem electorum, & commodum; quod enim per Superiorem conceditur, per inferiorem reuocari non potest, cap. Inferior, dist. 21. Clementina Ne Romani, de elect. Atque ita in casu simili id tenet Pasfarellus in scholijs ex lanuensi, num. 4. de valore priuilegij, Statutum ergo illud Romanum, vel dicendum est nihil valere per dicta, vel dicendum est, non intendisse Patres illius Capituli (inter quos ego interfui, & quàm Commissus Genuæ) renunciare prædicto priuilegio, de quo forte, & sine fortè, non omnes capitulares notitiam habebant, sed intendisse obuiare fraudibus, quæ fiebant quandoq; transferendo electiones etiam per sex menses, vt que dum aliqui, quos prætendebant eligere, officia, quibus fungebantur, finirent. Et verè illud statutum factum est ab hoc obuiandum, vnde potest intelligi hoc pacto, nimirum, quòd statim ac omnes electores conuenierint, vel iuri suo renunciauerint, fiat electio defuncti, vel depositi, &c. Quòd si conuenierint ante terminum trium mensium ille terminus prorogari non possit, cum prorogandi nulla sit occasio, & si prorogetur, electio ad Superiorem deuoluatur, si post terminum trium mensium conuenierit, statim fiat electio. Quo pacto intellectum statutum, validum est, & consone huic priuilegio, quod conceditur ad commoditatem eorum, qui de longinquo venire debent.

## §. IV.

14 **C**oncedit, quòd Prouinciales statim electi administrationem habeant, & hæc idem dicat de Correctoribus, cum tam addat, quòd electi secundum statuta Ordinis administrationem habeant, & Correctores secundum statuta Ordinis non statim electi, sed post Publicationem, & confirmationem in Capitulo definitorio administrant, de Correctoribus non debet intelligi, quia hi secundum statuta Ordinis non habent statim electi administrationem. Nisi velimus hoc priuilegium intelligere de Correctoribus Romanis, nimirum SS. Trinitatis, S. Andreae, & S. Francisci de Paula, qui statim electi, ante confirmationem habent administrationem. Et in vniuersum potest intelligi de omnibus Correctoribus, qui subsunt immediatè P. Generali, nec subiacent definitorio alicuius Prouinciæ.

## §. V.

15 **N**oto 1. quòd cap. 1. 2. & 3. de Magistris supponitur, quòd nullus possit alios docere theologiam, vel scripturam, &c. absque Ordinarij, seu studiorum Rectoris licentia. Quòd etiam decernit Trid. sess. 1. de refo. m. cap. 1. Hic Pontifex concedit, vt in nostris Conuentibus possint Generales, & Prouinciales Lectores instituere qui absque cuiusquæ alterius licentia doceant suos discipulos in theologica facultate, quòd etiam concedit Trid. loc. cit. & fuit declaratum à sacra Congregatione, vt refert Naldus in sum. verbo Legere, nu. 6. Excipit tamen Pontifex duos casus. 1. est, si debeant legere in studijs generalibus, seu in publicis vniuersitatibus. 2. Si debeant legere in illis studijs, in quibus non legunt nisi Magistri solemniter gradu Doctoratus insigniti, nam in istis casibus vltra licentiam Superioris, requiritur etiam licentia Ordinarij, seu studiorum Rectoris. Quòd etiam insinuat Trid. loco cit. sine ibi, *Quòd tamen de Lectoribus in claustris Monachorum non intelligatur*, quasi dicat, Licet Lectores regulares dum in claustris Regularium legunt, non debeant ab Ordinarijs examinari, & approbati, si tamen

*Peyrin. de priuileg. Tom. 1.*

extrà claustra in studijs publicis exierint ad legendum, approbandi sunt.

16 Noto secundo quòd Trident. loco citat. statuit, vt in Ecclesijs Monachorum, vbi commode fieri queat, lectio sacre scripturæ habeatur, qua in re si Abbates negligentes fuerint, Episcopi locorum in hoc vt Sedis Apostolicæ delegati eos ad id opportunis remedijs compellant. In Conuentibus verò aliorum Regularium, in quibus studia commode vigere possunt, sacre scripturæ lectio similiter habeatur; *Que lectio in Capitulis generalibus, vel prouincialibus assignetur dignioribus Magistris.* Scisistit autem huic decreto, si habeatur in Monasterio lectio theologice scholasticæ, vel moralis, quæ confessionibus audiendis deseruit, vt ait Rodriq. tom. 2. quest. regul. q. 130. artic. 2. Qui etiam notat, quòd sicut Episcopi possunt Abbates negligentes remedijs opportunis compellere, ita similiter possunt compellere ceteros Regulares.

17 Si quæras, quæ sint ista remedia opportuna, quibus dicti compelli possunt ab Episcopis.

18 Rodriq. quòd remedium opportunum est excommunicatio; cum enim Episcopi deputentur à Concilio tamquam Sedis Apostolicæ delegati, & Legati possint exercere omnia in sua Prouincia, quæ potest ille, qui misit eos, præter specialiter reseruata, & certis sit, quòd Pontifex, cuius delegati sunt Episcopi, in hoc casu potest Regulares excommunicare, certum etiam est, posse Episcopos dictos Regulares ad obseruantiam huius statuti excommunicatione compellere.

18 Et aduerte etiam, quòd quando Episcopus procedit tamquam delegatus Sedis Apostolicæ in causis, quæ sub eius iurisdictione ordinata non comprehenduntur, non potest ab eo appellari, nisi ad Sedem Apostolicam; at quando iurisdictione delegata cumulat ordinaria, Episcopus non potest huiusmodi delegationis prætextu declinare iurisdictionem Metropolitanam in casibus illis, in quibus ante Concilij ordinationem Metropolitanus poterat vt eodem iure, eademq; potestate. Ita dicitur declarasse sacram Congregationem. Et si vis scire, in quibus casibus possint Episcopi per Concilium Trid. procedere tamquam delegati Sedis Apostolicæ, consule Azor. p. 2. in tit. mortal. cap. 54. per totum.

19 Noto 3. quòd Paulus V. gloriose memorie in sua constit. quæ incipit, Apostolica, quæ est 65. apud Cherub. in eo, tom. 3. bull. pag. 254. statuit, vt in cuiusque Ordinis, & Instituti Regularium, tam Mendicantium, quàm non Mendicantium studijs omnibus, trium linguarum, Hebræicæ scilicet, Græcæ, & Latine, in celebrioribus verò etiam Arabice Doctores, Regulares quidem eiusdem Ordinis, si in illo harum linguarum sufficientem notitiam habentes sine, sin minus seculares, aut alterius Ordinis regulares, qui illas actu, & diligenter doceant, habeantur, &c. Omnibus Regularium Superioribus sub pena indignationis sue, & si ipsi negligentes fuerint, Protectoribus Ordinum iniungens, vt provideant, quòd talia studia instituantur, &c. Et in promotione ad Doctoratû, & alios sui Ordinis honores, illi, ceteris paribus, præferantur qui in cognitione dictarum trium linguarum profecerint, ita vt ad illas docedæ apti sint. Congruit Clem. 1. de Magistris. Quæ sancta constitutio miror, quò modo in Ordine nostro non sit executioni mandata.

20 Noto 4. pro Doctoribus, quòd die 22. Maij anno 1625. in generali Congregatione sanctæ Romanæ, & vniuersalis inquisit omis, habita in palatio Apostolico apud S. Petrum coram S. D. N. Urbano VIII. ac Illust. Cardinalibus in vniuersa Christiana Republica Inquisitoribus gene alibus à sancta Sede Apostolica specialiter deputatis, factum est decretum tenoris sequentis.